

Enw: John Rees
Dyddiad geni: 1770
Dyddiad marw: 1833
Rhyw: Gwryw
Galwedigaeth: gweinidog gyda'r Methodistiaid Calфинаidd
Maes gweithgaredd: Crefydd
Awdur: Gomer Morgan Roberts

Ganwyd 20 Ebrill 1770, yng Nghaerfyrddin. Aeth i weithio i Loegr yn ieuanc a chafodd droedigaeth wrth wrando ar William Huntington yn pregethu yng nghapel Providence, Llundain. Aeth i Fryste yn 1791 a dechreuodd bregethu mewn cyswllt ag un o eglwysi'r arglwyddes Huntington. Dychwelodd i Gaerfyrddin yn 1796 ac ymunodd â'r Methodistiaid yno. Aeth i Lundain yn 1808 i wasnaethu'r Cymry yng nghapel Wilderness-row, eithr galwyd ef i Gasnewydd, Mynwy, yn 1810. Ordeiniwyd ef yn ordeiniad cyntaf y Methodistiaid yn sasiwn Llandeilo Fawr, 1811, ond ni bu'n hir yng ngwasanaeth y Corff. Aeth i'r Tabernacl, Rodborough, sir Gaerloyw, yn 1814, ac oddi yno i gapel Crown Street, Soho, Llundain, yn 1823, lle y treuliodd weddill ei oes. Bu farw 6 Ionawr 1833. Yr oedd ei lais yn gras, eto yr oedd ganddo ddoniau pregethu arbennig. Tynnai'r torfeydd i'w wrando yn Llundain a threfi eraill.

Awdur

Y Parchedig Gomer Morgan Roberts, (1904 - 1993)

Ffynonellau

Mrs. Walker, *Remains of the Rev. John Rees* (London 1838)

Y Drysorfa, 1847, 1-6

Dolenni Ychwanegol

Wikidata: [Q20733624](https://www.wikidata.org/wiki/Q20733624)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

